

নির্যাতনের বন্ধ ছেদি'

—শ্রীহরি প্রসাদ বন্দ্যোপাধ্যায়

১ম বর্ষ—(বি)

নির্যাতনের বন্ধ ছেদি' ঝরঝরিয়া রক্ত ঝরে
 নিমস্বতার কঠোর কারায় পরাণ' তাদের গুমরে মরে ।
 রুদ্র-মাঝে ক্ষুদ্র তারা,
 বিশ্ব-মাঝে সর্ব-হারা,
 তারাই—আবার বিশ্ব সাজায় সুখের নানা সৌধ গড়ে ।
 পরিশ্রমের তীক্ষ্ণ জ্বালা
 পরায় শুধু ব্যথার মালা,
 জ্বালিয়ে রাখে দীর্ঘন শিখা অশ্রু দিয়ে জগৎ পরে ।
 ফোঁটায় তারা শ্যামলিমা
 মাটির মুখে অরুণিমা
 রক্ত-নদীর প্লাবন-স্রোতে উষরতা ধুইয়ে ওরে ।
 অভিজাতের অঁখির তলে
 মৌন-ব্যথায় অশ্রুজলে
 ভাসে তারা, চলায় তারা শরীরটাকে যন্ত্র করে ।
 ঘণার বনে নিৰ্বাসিত
 নিঃস্ব তারা নিষ্পেষিত—
 উপায়-হারার রিক্ত-হিয়া উঠেরে গ্লান ব্যথায় ভরে